

ხელშეკრულება №1/38
საქონლის სახელმწიფო შესყიდვების შესახებ

ქ. თბილისი

18 თებერვალი 2019 წ.

ერთის მხრივ თბილისის სახელმწიფო სამედიცინო უნივერსიტეტი, მდებარე: ქ.თბილისი, ვაჟა-ფშაველას გამზ. №33 (შემდგომში, „შემსყიდველი“), წარმოდგენილი კანცლერის, ზურაბ ორჯონიძის სახით და მეორეს მხრივ შპს „ფრესკო შოპინგ ცენტრი“, მის: ქ.თბილისი, გორგასლის ქ. №61 (შემდგომში, „მიმწოდებელი“), წარმოდგენილი გენერალური დირექტორის, სოფიო კორმახიას სახით, ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული ელექტრონული ტენდერის (SPA190000372) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1 შესყიდვის ობიექტია: სხვადასხვა სახის უალკოჰოლო სასმელი (CPV 15980000) დანართი №1-ის (დანართი №1 წარმოადგენს წინამდებარე ხელშეკრულების განუყოფელ ნაწილს) შესაბამისად.

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს 18415 (თერამეტიათასოთხასთხუთმეტი) ლარს.
2.2 ხელშეკრულების ჯამური ღირებულება მოიცავს მოქმედი კანონმდებლობით განსაზღვრულ ყველა გადასახადს.

3. შესყიდვის ობიექტის მიწოდების ვადები, ადგილი და პირობები

3.1 მიმწოდებელმა შესყიდვის ობიექტის მიწოდება უნდა უზრუნველყოს ხელშეკრულების გაფორმებიდან ეტაპობრივად, შემსყიდველის მოთხოვნის შესაბამისად (მოთხოვნიდან 3 სამუშაო დღის ვადაში), 2019 წლის 31 დეკემბრის ჩათვლით.

3.2 საქონლის მიწოდება და მითითებულ ადგილზე დასაწყობება მოხდება მიმწოდებლის ხარჯებით შემსყიდველის მიერ მითითებულ ადგილზე - თბილისის სახელმწიფო სამედიცინო უნივერსიტეტი (მის: ქ. თბილისი, ვაჟა-ფშაველას #33, უნივერსიტეტის სასწავლო კორპუსები).

4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2020 წლის 31 იანვრის ჩათვლით, ხელშეკრულებით გათვალისწინებული ვალდებულებების სრულ და ჯეროვან შესრულებამდე.

5. ხელშეკრულების კონტროლის პირობები

5.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

5.2 ხელშეკრულების კონტროლს, შემსყიდველის მხრიდან განახორციელებს, თსსუ-ს კანცლერის 12.04.2018წ. თარიღის #116/02 ბრძანებით შექმნილი კონტროლის განმახორციელებელი ჯგუფი.

5.3 შემოწმების შედეგად გამოვლენილი ნებისმიერი ნაკლის შესახებ „შემსყიდველი“ ვალდებულია დაუყოვნებლივ აცნობოს „მიმწოდებელს“, შეტყობინება შეიძლება განხორციელდეს, როგორც ზეპირად, ასევე წერილობით. სატელეფონო შეტყობინების შემთხვევაში, „შემსყიდველი“ ვალდებულია ზეპირი შეტყობინებიდან არაუმეტეს 3 (სამი) დღის ვადისა, წერილობით აცნობოს „მიმწოდებელს“ შესყიდვის ობიექტის ნაკლის შესახებ.

5.4 გამოვლენილი დეფექტის ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის შესახებ მიღება-ჩაბარების აქტი ფორმდება ფაქტიურად მიწოდებული საქონლის დამადასტურებელი დოკუმენტის - სასაქონლო ზედნადებისა და თსსუ-ს კანცლერის 12.04.2018წ. თარიღის #116/02 ბრძანებით შექმნილი კონტროლის განმახორციელებელი ჯგუფის დასკვნის საფუძველზე.

7. ხელშეკრულების ობიექტის ხარისხი და გარანტია

7.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

7.2 შესყიდვის ობიექტის ტექნიკური პარამეტრები უნდა შეესაბამებოდეს შემსყიდველის მიერ განსაზღვრულ მოთხოვნებს.

7.3 მიწოდების მომენტი საქონლის შენახვის დარჩენილი ვადა უნდა იყოს პროდუქტის შენახვის საერთო ვადის არანაკლებ 50%.

7.4 ხელშეკრულების მოქმედების ვადაში „შემსყიდველი“ ვალდებულია, დაუყოვნებლივ აცნობოს „მიმწოდებელს“ ხარვეზის აღმოჩენის შესახებ, ხელშეკრულების 5.3 პუნქტით განსაზღვრული წესით.

7.5 შეტყობინების მიღების შემდეგ, „მიმწოდებელი“ ვალდებულია მნიშვნელოვანი დაზიანების, ხარვეზების გამოვლენის შემთხვევაში, საკუთარი ხარჯებით უზრუნველყოს საქონელზე გამოვლენილი ნაკლის აღმოფხვრა (საჭიროების შემთხვევაში ახლით შეცვლა), შეტყობინებიდან 3 (სამი) სამუშაო დღის ვადაში შემსყიდველის მხრიდან დამატებითი დანახარჯების გაწევის გარეშე. მიმწოდებელს დაეკისრება, როგორც ხელშეკრულების ობიექტის ხარვეზების აღმოფხვრა, ასევე აღნიშნული ხარვეზების შედეგად შემსყიდველისა და მესამე პირებისთვის მიყენებული ზიანის ანაზღაურება. აღნიშნული პირობა არ ვრცელდება იმ პოზიციებზე, რომელთა საგარანტიო ვადის შესახებ ინფორმაცია მითითებულია დანართში.

7.6 თუ „მიმწოდებელი“, ხარვეზის აღმოფხვრასთან დაკავშირებით მიღებული შეტყობინების შემდეგ, არ შეასრულებს თავის ვალდებულებებს, „შემსყიდველი“ უფლება აქვს „მიმწოდებლის“ ხარჯით უზრუნველყოს არსებული ხარვეზების გამოსწორება.

8. ანგარიშსწორების ფორმა, გრაფიკი (ვადები)

8.1 „მიმწოდებელთან“ ანგარიშსწორება განხორციელდება ლარში.

8.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით.

8.3 წინასწარი ანგარიშსწორება გათვალისწინებული არ არის.

8.4 ანგარიშსწორება განხორციელდება ეტაპობრივად, მიმწოდებლის მიერ მიწოდებული შესყიდვის ობიექტის შესახებ გაფორმებული მიღება-ჩაბარების აქტის საფუძველზე, შემსყიდველის მიერ საგადასახადო ანგარიშ-ფაქტურის (თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ შემოსავლების სამსახურიდან) დადასტურების დღიდან - არაუგვიანეს 15 (თხუთმეტი) სამუშაო დღის ვადაში.

8.5 იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს დაეკისრება პირგასამტებლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტებლოს თანხის სრული ოდენობით დაფარვამდე.

9. მხარეთა უფლება-მოვალეობანი

9.1 „შემსყიდველს“ უფლება აქვს:

- შეამოწმოს მიწოდებული შესყიდვის ობიექტის შესაბამისობა ხელშეკრულებით გათვალისწინებულ პირობებთან.

- განახორციელოს კონტროლი და ზედამხედველობა, მიმწოდებლის მიერ, ხელშეკრულების პირობების დაცვაზე.

- უარი თქვას უხარისხო შესყიდვის ობიექტის მიღებაზე.

9.2 „შემსყიდველი“ ვალდებულია:

- წერილობით აცნობოს „მიმწოდებელს“ შესყიდვის ობიექტის მიწოდებასთან დაკავშირებული ყველა განსაკუთრებული გარემოების შესახებ.

- მოახდინოს ანგარიშსწორება „მიმწოდებელთან“, ხელშეკრულებით გათვალისწინებული პირობების შესაბამისად;

- დაიცვას ხელშეკრულებით გათვალისწინებული ყველა პირობა.

9.3 „მიმწოდებელს“ უფლება აქვს:

- მოითხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება, ხელშეკრულებით გათვალისწინებული პირობებით.

9.4 „მიმწოდებელი“ ვალდებულია:

- გააფრთხილოს „შემსყიდველი“ შესყიდვის ობიექტის მიწოდების პროცესში შეფერხების შესახებ.

- დაიცვას ხელშეკრულებით გათვალისწინებული ყველა პირობა.

10. მხარეთა პასუხისმგებლობა ხელშეკრულების დარღვევისას

10.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას, მოქმედი კანონმდებლობის შესაბამისად.

10.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა, ვალდებულების შესრულებისთვის მის მიერ დამატებით განსაზღვრული ვადის უშუალოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე, შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

10.3 ხელშეკრულებიდან გასვლისას, მხარეს შეუძლია მოითხოვოს ზიანის ანაზღაურება, რომელიც მას მიადგამეორე მხარის მიერ ხელშეკრულებით ნაკისრი ვალდებულების შეუსრულებლობით.

10.4 ხელშეკრულებიდან გასვლასთან და ზიანის ანაზღაურებასთან დაკავშირებით, შესაბამისად, გამოიყენება საქართველოს სამოქალაქო კოდექსი.

10.5 ხელშეკრულებით გათვალისწინებული ვალდებულების შეუსრულებლობის შემთხვევაში, დამრღვევ მხარეს ეკისრება პირგასამტეხლო, სახელშეკრულებო ღირებულების 10%-ის ოდენობით.

10.6 „შემსყიდველი“ უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს „მიმწოდებელს“ საურავი, ყოველ გადაგადაცილებულ დღეზე - დროულად მიუწოდებელი შესყიდვის ობიექტის ღირებულების 0,3 (ნული მთელი სამი მეთათედი) პროცენტის ოდენობით, მაგრამ არანაკლებ 10 (ათი) ლარისა.

10.7 შემსყიდველი იტოვებს უფლებას, ხელშეკრულების პირობების დარღვევის შემთხვევაში, ხელშეკრულების საერთო ღირებულებიდან განახორციელოს იმ დროისთვის არსებული პირგასამტეხლოს თანხის დაკავება და გადარიცხვა შესაბამის ანგარიშზე. ეტაპობრივად ანგარიშსწორების შემთხვევაში, პირგასამტეხლოს დაკავება განხორციელდება შესაბამის ეტაპზე გადასახდელი თანხიდან.

10.8 10.7 მუხლის გამოუყენებლობა შემსყიდველს არ ართმევს უფლებას მოითხოვოს მიმწოდებლისგან პირგასამტეხლოს გადახდა.

11. ხელშეკრულების პირობების გადასინჯვის შესაძლებლობა

11.1 ხელშეკრულების პირობებში ცვლილება ხორციელდება ორივე მხარის მიერ ხელმოწერილი წერილობითი შეთანხმების სახით და წარმოადგენს ხელშეკრულების განუყოფელ ნაწილს.

11.2 ხელშეკრულებაში ცვლილებების შეტანის აუცილებლობისას, ის მხარე, რომელსაც სურს ცვლილების შეტანა, ვალდებულია, წერილობით შეატყობინოს მეორე მხარეს ამის თაობაზე.

11.3 ხელშეკრულების თითოეული მხარე უფლებამოსილია არ დაეთანხმოს შეთავაზებულ წინადადებას ცვლილების შესახებ.

11.4 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში, მხარეები წააწყდებიან ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება ხელშემშლელ გარემოებებზე, მისი გამომწვევი მიზეზების და შესაძლო ხანგრძლივობის შესახებ. შეტყობინების

მიმდებარე მხარე ასევე დაუყოვნებლივ უნდა აცნობოს მეორე მხარეს თავისი გადაწყვეტილების შესახებ.

12.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს შეთანხმების სახით, ხელშეკრულების 11.1 პუნქტის შესაბამისად.

12.3 „შემსყიდველს“ შეუძლია შეწყვიტოს ხელშეკრულება ან მოითხოვოს ვალდებულების ნაწილობრივ შესრულება:

ა) თუ „მიმწოდებელს“ ხელშეკრულებით ან შეთანხმებით გათვალისწინებულ ვადებში არ შეუძლია მიაწოდოს შესყიდვის ობიექტი;

ბ) თუ „მიმწოდებელს“ არ შეუძლია შეასრულოს ხელშეკრულებით გათვალისწინებული რომელიმე ვალდებულება.

12.4 ხელშეკრულების ცალკეული პირობების მოქმედების შეწყვეტა არ ათავისუფლებს „მიმწოდებელს“ დანარჩენი ვალდებულებების შესრულებისაგან.

12.5 „შემსყიდველს“ შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

გ) თუ „შემსყიდველისათვის“ ცნობილი გახდა, რომ დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

დ) „მიმწოდებლის“ გაკოტრების შემთხვევაში;

ე) თუ მისთვის ცნობილი გახდება, რომ „მიმწოდებლის“ საკვალიფიკაციო მონაცემების დამადასტურებელი დოკუმენტები ყალბია;

ვ) საქართველოს კანონმდებლობით გათვალისწინებულ სხვა შემთხვევებში.

12.6 12.3 ქვეპუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიღებული შესყიდვის ობიექტის ღირებულება.

13. ფორს-მაჟორი

13.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევს შესაბამისი დროით, გარემოებათა დასრულების შემდეგ.

13.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

14. დავები და მათი გადაწყვეტის წესი

14.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.4 წინამდებარე ხელშეკრულების ნებისმიერი ცვლილება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.5 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე.

15.6 მხარეები ვალდებული არიან, რეკვიზიტების ცვლილების თაობაზე, მეორე მხარეს აცნობონ წერილობით.

15.7 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით, დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

თბილისის სახელმწიფო სამედიცინო
უნივერსიტეტი
ქ.თბილისი, ვაჟა ფშაველას გამზ. №33
საიდენტიფიკაციო ნომერი 211328703
სახელმწიფო ხაზინა, კოდი TRESGE22
ა/ა 708 987 519

„მიმწოდებელი“

შპს „ფრესკო შოპინგ ცენტრი“
ქ.თბილისი, გორგასლის ქ. N61
საიდენტიფიკაციო ნომერი 406092570
სს „საქართველოს ბანკი“, კოდი BAGAGE22
ა/ა GE95 BG00 0000 0336 676 400

თსსუ-ს კანცლერი
ზურაბ ორკონიკიძე

შპს „ფრესკო შოპინგ ცენტრი“-ს გენერალური
დირექტორი
სოფიო კორმახია



N	დასახელება	მწარმოებელი ქვეყანა	მწარმოებელი	მოდელი (არსებობის შემთხვევაში)	ტექნიკური მახასიათებლები		განზომილება	რაოდენობა	ერთეულის ფასი	სულ ფასი
1	არაგაზირებული მინერალური წყალი	საქართველო	შპს აი დი.ეს ბორჯომი ზევერიჯიზ კომპანი"	ბაკურიანი	0.5 ლ	ქიმიური შემადგენლობა (მგ/ლ); კალციუმი-25-80; მაგნიუმი<20, ნატრიუმი<20. ქიდროკარბონატები-150-300, ქლორიდები-<20, სულფატები<50, საერთო მინერალიზაცია-0, 2-0, 5გ/ლ. შენახვის ტემპერატურა +5C დან +20C-მდე.	ცალი	7000	0.45	3150
2	გაზირებული მინერალური წყალი	საქართველო	სს.წყალი მარგებელი	ნაბეღლავი	0.5 ლ	ნატურალური მინერალური წყალი. საერთო მინერალიზაცია გ/ლ 3.5-5.9	ცალი	500	0.75	375
3	გაზირებული მინერალური წყალი	საქართველო	შპს აი დი.ეს ბორჯომი ზევერიჯიზ კომპანი"	ბორჯომი	0.5 ლ	0.5 ლიტრი „გაზირებული მინერალური წყალი ქიდროკარბონატულ-ნატრიუმიანი, . მინერალიზაცია: 5, 0-7, 5 გ/ლ Ca-20-150, Mg 20-150, Na+ 1000-2000, Hco-3500-5000, F-<10. "	ცალი	500	0.85	425
4	გაზირებული გამაგრილებელი სასმელი	საქართველო	სს კოკა-კოლა ბოთლერს ჯორჯია	კოკა-კოლა	0.5 ლ	0.5 ლიტრი "გაზიანი გამაგრილებელი სასმელი. შემადგენლობა: წყალი, შაქარი, ნახშირორჟანგი, ფერი (კარამელი)მჟავიანობის რეგულატორი(ფოსფორმჟავა), ბუნებრივი არომატიზატორები, კოფეინი. კვებითი ღირებულება 100 მლ-ზე -კალორილობა 42 კკალ, ნახშირწყლები 10.6 გ მათ შორის შაქარი 10.6	ცალი	3000	1.2	3600
5	გაზირებული გამაგრილებელი სასმელი	საქართველო	სს იბერია რეფრემენტსი	პეპსი	0.5 ლ	0.5 ლიტრი "შემადგენლობა/ინგრედიენტები: წყალი, შაქარი, ნახშირორჟანგი, ფერის მიმცემი (e150a), მჟავიანობის რეგულატორი(e338) კოფეინი, გუმარაბიკი, კვებითი და ენერგეტიკული ღირებულება 100 მლ სასმელში: 41.13 კკალ/, ცხიმი 0.00 გ, ნახშირწყალი 10.90 გ, ცილა 0.00 გ. "	ცალი	7000	0.9	6300

6	ცივი ჩაი	უკრაინა	შპს "სანდორა	ლიპტონი	0.5 ლ	0.5 ლ. "(შემსყიდველის მოთხოვნის შესაბამისად სხვადასხვა ხილის კონცეტრირებული წვენით). შემადგენლობა: სასმელი წყალი, შაქარი, ფრუქტოზა, გემოსა და არომატის ფუძე. მჟავიანობის რეგულატორი, ლიმონმჟავა ანტიოქსიდანტი ასკორბინის მჟავა. კვებითი ღირებულება 100 მლ სასმელისათვის: ენერგეტიკული ღირებულება 19 კკალ, ცხიმი 0.00 გ, ნახშირწყალი 4.6 გ	ცალი	2000	1.55	3100
7	ნატურალური წვენი	უკრაინა	შპს "სანდორა	სანდორა	0.5 ლ	0.5 ლიტრი "შემადგენლობა. სხვადასხვა ხილის წვენი (შემსყიდველის მოთხოვნის შესაბამისად) შაქრის სიროფი, მჟავიანობის რეგულატორი, ლიმონმჟავა, ნატურალური არომატიზატორი "შემსყიდველის მოთხოვნის შესაბამისად სხვადასხვა ხილის არომატი". 100გ პროდუქტი შეიცავს: 12 გ ნახშირწყლებს, ენერგეტიკული ღირებულება 51 კკალ. შენახვის ტემპერატურა 0C დან 25C მდე "	ცალი	300	2.20	660
8	წვენი	უკრაინა	შპს "სანდორა	სანდორა	0.25 ლ	0.25 ლიტრი "შემადგენლობა. სხვადასხვა ხილის წვენი (შემსყიდველის მოთხოვნის შესაბამისად) შაქრის სიროფი, მჟავიანობის რეგულატორი, ლიმონმჟავა, ნატურალური არომატიზატორი "შემსყიდველის მოთხოვნის შესაბამისად სხვადასხვა ხილის არომატი". 100 გ პროდუქტი შეიცავს 12 გ ნახშირწყლებს, ენერგეტიკული ღირებულება 51 კკალ. შენახვის ტემპერატურა 0C დან 25C მდე"	ცალი	700	1.15	805
სულ (თვრამეტიათასოთხასთხუთმეტი ლარი და 00 თეთრი)									18415	

თსსუ-ს კანცლერი
ზურაბ ორკონიკიძე

შპს „ფრესკო შოპინგ ცენტრი“-ს გენერალური
დირექტორი
სოფიო კორმახია

